



Հայաստանի Հանրապետության ոստիկանություն



Տպագրվում է 1990 թվականից

26 (1425) • 19 հուլիսի 2019 թ. • Գինը՝ 150 դրամ

Շաբաթաթերթ

www.police.am www.police.am www.police.am www.police.am www.police.am www.police.am www.police.am www.police.am

Հարգանքի տուրք ՊՊՃ գնդում



Երեք տարի առաջ, հուլիսի 17-ին, գինված անձանց խումբը խուժեց ոստիկանության պարեկապահակետային ծառայության գնդի տարածք: Իրենց ծառայողական ու պրոֆեսիոնալ պարտքը կատարելիս զոհվեցին, վիրավորվեցին, պատանդառվեցին ոստիկանության ծառայողներ:

Ողբերգությունից մեկ տարի անց հուշակոթող ու հուշատախտակ բացվեց պարեկապահակետային ծառայության գնդում՝ հավերժացնելով դավադիր գնդակից զոհված ոստիկանության գնդապետ Արթուր Վանոյանի, ոստիկանության լեյտենանտ Յուրի Տեփանոսյանի, ոստիկանության ավագ ենթասպա Գագիկ Սկրտչյանի անունները:

Հուլիսի 17-ին, ավանդույթի համաձայն, ոստիկանության պետ, ոստիկանության գեներալ-մայոր Վալերիյ Օսիպյանն ու ոստիկանության ղեկավար կազմը այցելեցին պարեկապահակետային ծառայության գունդ:

Ոստիկանության պետը, բարձրաստիճան սպաները, գնդի անձնակազմն ու զոհված ոստիկանների հարազատները ծաղիկներ խոնարհեցին ՊՊՃ գնդում զոհված ոստիկանների հիշատակը հավերժացնող հուշակոթողին:

Առավոտից ոստիկանության պարեկապահակետային ծառայության գունդ էին այցելում նաև պարզապես բաղաբացիներ, որ եկել էին երախտագիտության տուրք մատուցելու իրենց անվտանգությունն ու ապահովությունը կյանքի գնով պաշտպանած ոստիկանների պայծառ հիշատակին եւ հավաստելու հետախույս այսպիսի ողբերգությունները բացառելու համաժողովրդական կամքը:

Աշխատանքային խորհրդակցություն

Հուլիսի 13-ին ոստիկանությունում տեղի ունեցավ աշխատանքային խորհրդակցություն, որը վարում էր ոստիկանության պետ, ոստիկանության գեներալ-մայոր Վալերիյ Օսիպյանը: Մասնակցում էին ոստիկանության պետի տեղակալները, կենտրոնական ապարատի, մարզային ու տարածքային ստորաբաժանումների ղեկավարներ եւ բարեխիղճ ծառայությամբ աչքի ընկած ոստիկաններ:

Ողջունելով ներկաներին՝ Վալերիյ Օսիպյանը շնորհավորեց տարբեր ծանրության հանցագործություններ բացահայտելու համար պարգևատրման ներկայացած ոստիկաններին, ինչից հետո նրանք արժանացան դրամական պարգևների:

Ոստիկանության պետը նկատեց, որ աշխատանքի արդյունավետության հետևողական բարձրացման խթանների

մեկն էլ պարգևատրումների մեխանիզմ է, որը թույլ է տալիս օբյեկտիվ եւ առարկայական գնահատել լավագույն ծառայողներին:



յողներին: Հավաստելով, որ ոստիկանները բացի իրենց հասանելի աշխատավարձից, շարունակելու են ըստ արժանվույնի գնահատվել նաև կոնկրետ հանցագործություններ բացահայտելու համար,

Վալերիյ Օսիպյանն ընդգծեց. «Գնահատվելը ոստիկաններին պետք է պարտավորեցնի էլ ավելի բարեխիղճ ծառայել»:

Խորհրդակցության ընթացքում քննարկվեցին ոստիկանության օպերատիվ-ծառայողական գործունեությանը վերաբերող այլ հարցեր եւս: Վալերիյ Օսիպյանը նշեց, որ արդյունքները գոհացուցիչ են, սակայն անհրաժեշտ է անել ավելին՝ ներդնելով բոլոր միջոցներն ու կարողությունները, քանզի հանրությունը ոստիկանությունից ոչ միայն պարզապես արդյունավետ, այլև մշտապես կատարելագործվող ծառայություն է սպասելու:

Աշխատանքային խորհրդակցության ավարտին ոստիկանության պետը կոնկրետ ցուցումներ եւ հանձնարարականներ տվեց բոլոր ստորաբաժանումների ղեկավարներին:

Անախադեպ ուժեղացված ծառայություն

Հուլիսի 14-ին ճանապարհային ոստիկանությունն անախադեպ ուժեղացված ծառայություն իրականացրեց Երևան-Սեւան ավտոճանապարհին:

Ոստիկանության պետի հանձնարարությամբ՝ ճանապարհային ոստիկանությունը ուժեղացված ծառայություններ գրավել էր նաև «Արմենիան Նեյթրոփերս» կազմակերպության ուղղաթիռը:

Ուղղաթիռից ճանապարհի երթևեկությանն ու ուժեղացված ծառայությանն էին հետևում ճանապարհային ոստիկանության պետ Եգոր Կարապետյանն ու նրա տեղակալ Նորիկ Սարգսյանը:

Ուժեղացված ծառայության ընթացքում հայրենաբերվեցին բազմաթիվ օրինախախտ վարորդներ, որոնց նկատմամբ կազմվեցին վարչական իրավախախտման վերաբերյալ արձանագրություններ: Ոչ սթափ վիճակում գտնվող, միտումնավոր խախտումներ կատարող, եր-

թևեկության մյուս մասնակիցների նկատմամբ բացահայտ անհարգալից վերաբերմունք դրսևորող վարորդների մեքենաները տեղափոխվեցին ճանապարհային ոստիկանության պահպանվող տարածք:

Ոստիկանության ու «Արմենիան Նեյթրոփերս» կազմակերպության համագործակցության շրջանակում ուղղաթիռներ կկիրառվեն ոչ միայն ճանապարհային ոստիկանության ծառայության, այլև ոստիկանության այլ միջոցառումների ընթացքում:

Հուլիս-օգոստոս ամիսներին սպասվում է հովեկների մեծ հոսք դեպի Սեւան լիճ: Քաղաքացիների անվտանգ հանգիստը ապահովելու նպատակով «Արմենիան Նեյթրոփերս» կազմակերպության հետ պայմանավորվածություն է ձեռք բերվել այդ ժամանակահատվածում ուղղաթիռներ ներգրավել ոստիկանության ուժեղացված ծառայությունների ընթացքում:



Սյունիքի ոստիկանների բացահայտումը



Հուլիսի 13-ին հիվանդանոցից ոստիկանության Գորիսի բաժին ահազանգեցին, որ հրազենային վնասվածքներով հիվանդանոց են տեղափոխվել հսնձորեսկում ապրող երկու եղբայր:

Հանցագործությունը բացահայտելու նպատակով ոստիկանության Սյունիքի մարզային վարչության ու Գորիսի բաժնի, ինչպես եւ այլ տարածքային ստորաբաժանումների ծառայողներից օպերատիվ խմբեր ձևավորվեցին, որոնք սկսեցին ծավալուն հետախույսական միջոցառումներ: Շուտով հայտնի դարձավ, որ դեպքը տեղի էր ունեցել Գորիսից հսնձորեսկ տանող ճանապարհին: Դեպքի վայրի գննությանը հայտնաբերվեցին 9 մմ տրամաչափի պարկուճներ: Ոստիկանները կարճ ժամանակում պարզեցին մի շարք հանգամանքներ եւ մի խումբ անձանց բերման ենթարկեցին Գորիսի բաժին:

Նախնական տվյալներով՝ հիվանդանոց տեղափոխված անձանց եւ Սյունիքի մարզի մի բնակչի միջև փոխհարաբերություն էր եղել, ինչի հետևանքով էլ նրանք վնասվածքներ էին ստացել, վնասվել էր նաև մյուս կողմի մեքենան:

Բացատրական աշխատանքի արդյունքում կասկածյալը ներկայացավ դեպքի նախաքննությունը վարող մարմին՝ հետը բերելով «Սալգա» տեսակի հրազեն: Կատարվում է նախաքննություն:

ՀՀ ոստիկանության կրթահամալիրը հայտարարում է բակալավրի կրթական ծրագրով առկա վճարովի ուսուցման 2019/2020 ուստարվա ընդունելություն

Շրջանավարտներին շնորհվում է իրավագիտության բակալավրի աստիճան եւ տրվում պետական մոնոլի դիպլոմ: Ուսման տևողությունը 4 տարի է: Ընդունելության կարգին եւ պայմաններին կարող եք ծանոթանալ ոստիկանության www.police.am կամ կրթահամալիրի www.edupolice.am կայքերում:

Գանակահարություն Երևանում

Վիճաբանության ժամանակ տղամարդուն դանակահարել էր հաշորդ օրը հիվանդանոց դիմած երիտասարդը:

Էջ 2

Երթևեկության «խոցելիները»

Ճանապարհատրանսպորտային վթարների հետևանքով զոհվածներից յուրաքանչյուր երրորդը հետիոտն է:

Էջ 3

Հանցագործությունները բացահայտվեցին

Խրախճանքի վայրից դուրս գալով՝ սկսել էին կյանքի կոչել նախապես ծրագրած գողությունները:

Էջ 7

Համակարգ

Տարվա լավագույն փորձագետը

Ոստիկանության Արտաշատի բաժնում կողոպուտի վերաբերյալ ահազանգ էր ստացվել: Անհայտ անձը մտել էր դեղատուն, հափշտակել դրամարկղի փողը ու փախել: Դեպքի վայրն առնվել էր պահպանության, ոստիկանության Արարատի մարզային վարչության փորձաքննափոստական խմբի փորձագետի միջամտության անհրաժեշտություն կար:

Դեպքի վայր է շտապում ոստիկանության Արարատի մարզային վարչության փորձաքննափոստական խմբի հատկապես կարելու հանձնարարություններով ավագ փորձագետ, ոստիկանության մասյոր Արմեն Նազարյանը՝ 2018 թվականի ոստիկանության լավագույն փորձագետը...

տեղի ունեցածի հանգամանքները լուռ ու առանց հարցերի:

Արմեն Նազարյանն ունի իր աշխատանքային սկզբունքները, որոնցով առաջնորդվել է 11-ամյա ծառայության ընթացքում: Առաջինը՝ դեպքի վայրի պահպանությունն է: Նախքան իր հասնելը ոչ մի կողմնակի անձ չպետք է մտնի դեպքի վայր, քանի որ առաջին հա-



նում է դեղատանը կողոպուտ կատարելու կասկածանքով բերման ենթարկվածի մատնահետքերի մուշշերը: Դրանց եւ դեպքի վայրից վերցրածների նույնակամանքան փորձաքննությունից հետո նա կտա եզրակացություն, եւ գուցե արձանագրվի լավագույն փորձագետի բացահայտած հերթական հանցագործությունը:

«Կարելու հատկանիշը, որ պետք է ունենա յուրաքանչյուր փորձագետ, պատասխանատվության բարձր զգացումն է: Փորձագետը հավասար պատասխանատվությամբ պետք է վերաբերվի յուրաքանչյուր դեպքի՝ անկախ դրա ծանրությունից, կատարման եղանակից ու հետեւանքներից», - ասում է Արմեն Նազարյանը:

Բացի բանիմաց եւ լավ ծառայող լինելուց, Արմեն Նազարյանը նաեւ անփոխարինելի ընկեր է: Այդպես են նրան բնութագրում ծառայության ընթացքում բազմաթիվ փորձությունները միասին հաղթահարած գործընկերները:

Արարատի մարզային վարչության պետ, ոստիկանության գնդապետ Արմեն Գասպարյանի խոսքով՝ մայր Արմեն Նազարյանն առանձնահատուկ ծառայող է: Բացի մասնագիտական բարձր պատրաստվածություն ունենալը, նաեւ օրինակելի սպա է՝ սպային բնութագրող լավագույն հատկանիշներով:

Բարին մաղթենք 2018 թվականի ոստիկանության լավագույն փորձագետին:

Երիկ ԱՍՏՎԱԾԱՏՐՅԱՆ

Գանակահարություն Երևանում



Հունիսի 11-ին, ժամը 3.25-ին, «Էրեբունի» բժշկական կենտրոնից ոստիկանություն հաղորդում էր ստացվել, որ կրծքվանդակի եւ որովայնի կտրած-ծակած վերքերով բուժօգնության է դիմել 42-ամյա մի տղամարդ: Նա հիվանդանոցում հայտնել էր, որ վնասվածքները ստացել է Աթոյան փողոցում տեղի ունեցած վիճաբանության ժամանակ:

Հունիսի 12-ին, ժամը 00.50-ին, բժշկական կենտրոնից ոստիկանություն եւս մի հաղորդում ստացվեց, որ կտրած-պատռած վերքերով բուժօգնության է դիմել մեկ այլ բաղաբացի, որը հայտնել է, որ վնասվածքները ստացել է հուլիսի 11-ին՝ Նշված փողոցում տեղի ունեցած վիճաբանության ժամանակ:

Ոստիկանության Երևան բաղաբացի վարչության եւ Էրեբունու բաժնի ծառայողների համատեղ օպերատիվ-հետախուզական միջոցառումների շնորհիվ տեղեկություններ ստացվեցին, որ Նշված վիճաբանության ժամանակ 42-ամյա տղամարդուն դանակահարել էր հաջորդ օրը հիվանդանոց դիմած Երևանի 31-ամյա բնակիչը: Նա բացատրական աշխատանքի շնորհիվ ներկայացել է ոստիկանություն:

Կատարվում է նախաքննություն:

Գիմարություն ոստիկաններին


Հունիսի 13-ին ոստիկանության Աշտարակի բաժնի ծառայողները եւ Արագածոտնի մարզը սպասարկող ճանապարհային ոստիկանները ուժեղացված ծառայություն են իրականացրել Աշտարակ քաղաքում: Այդ ընթացքում ճանապարհային ոստիկանները կանգնեցրել են Երևանյան խճուղով ընթացող «Ֆորդ Տրանզիտ» մակնիշի ավտոմեքենան: Գնապարհային ոստիկանները նկատել են, որ մեքենայի վարորդը ու ուղեւորներից մեկը տեղերը փոխել են, եւ ուղեւորը ներկայացել է որպես վարորդ: Գնապարհային ոստիկանները պահանջել են, որ իրական վարորդը ներկայացնի համապատասխան փաստաթղթեր: Այդ ընթացքում ուղեւորներից մեկն իջել է մեքենայից եւ վիճել ճանապարհային ոստիկանների հետ, չի ենթարկվել ոստիկանության ծառայողների օրինական պահանջներին եւ բռնություն է գործադրել նրանց նկատմամբ:

Միջադեպի վայր եկած Աշտարակի բաժնի ծառայողները եւ ճանապարհային ոստիկանները այդ տղամարդուն եւ մեքենայի իրական վարորդին բերման են ենթարկել ոստիկանության Աշտարակի բաժնի:

Հարուցվել է քրեական գործ: Ստուգվել է մեքենայի վարորդի սքափության աստճանը. նա ալկոհոլի ազդեցության տակ է եղել:

Գողությունը բացահայտվեց

Հունիսի 30-ին ոստիկանության Կենտրոնական բաժնում գողության վերաբերյալ հաղորդում էր ստացվել: Մաշտոցի պողոպանում գտնվող «Պոնչիկանոցի» աշխարհկիցը հայտնել էր, որ լուսաղեմին անհայտ անձի կողմից էին վաճառարանի պատուհանի ապակին եւ գողացել հինգ արկղ քաղցրավենիք:



Վնասագործությունը բացահայտելու համար ձեռնարկված օպերատիվ-հետախուզական միջոցառումների արդյունքում հունիսի 1-ին Կենտրոնականի քրեական հետախույզները գողությունը կատարած անձի վերաբերյալ օպերատիվ տեղեկություններ ստացան: Շուտով Փարպեցու փողոցից, գողությունը կատարելու կասկածանքով, բերման ենթարկվեց 21-ամյա մի երիտասարդ, որը խտրովանական բացաբությունը փրկեց: Բնությունը շարունակվում է:

Է. Ա.

Ութ տարի թրաֆիքինգի եր ենթարկվել

Ոստիկանության Արտաշատի բաժնի համայնքային ոստիկանը տեղեկություն էր ստացել, որ Շիրակի մարզի Մարմաշեն գյուղում երիտասարդ մի աղջիկ ենթարկվում է աշխատանքային շահագործման:



Ըստ տեղեկությունների՝ աղջիկը գյուղի բնակիչներից մեկի կողմից աշխատանքային շահագործման է ենթարկվում 2011 թվականից: Տղամարդը, աղջկա նկատմամբ պարբերաբար բռնություն գործադրելով, կամ գործադրելու սպառնալիքով, հարկադրաբար պահում է գոմում եւ առանց որեւէ վճարի աշխատեցնում: Աղջիկը մի քանի անգամ փորձել էր փախչել, բայց շահագործման ենթարկված տղամարդը նրան գտել էր, բերել գոմ ու ծեծել՝ սպառնալով, որ կրկնվելու դեպքում կսպանի:

Հունիսի 18-ին աղջիկը կրկին փախել էր: Սարերով Ապարանի կողմ էր գնացել ու թաքցնել հովիվներից մեկի մոտ: Հենց այս տեղեկությունն էր ստացել համայնքային ոստիկանը, ինչից հետո հանակարգի մի շարք ստորաբաժանումներ գործնական քայլեր ձեռնարկեցին՝ գտնելով աղջկան ու բացահայտելով նրա հետ տարիներ շարունակ կատարվածը:

Աղջիկը տեղափոխվեց Արտաշատի բաժնի: Հրավիրվեցին նաեւ թրաֆիքինգի գոհերի աջակցությամբ զբաղվող «Հույս եւ օգնություն» հասարակական կազմակերպության ներկայացուցիչները, որոնք աղջկան տեղափոխեցին ապաստարան:

Աղջիկը թրաֆիքինգի ենթարկվել այսպես ասած՝ դասական ձևաչափով: Տղամարդը նախ աշխատավարձ էր խոստացել, սակայն չէր վճարել: Ընթացքում, եթե կենդանի էր ստեղծ կամ վնասվել, կատարվածի մեղավոր էր համարել աղջկան ու չէր վճարել, նաեւ ծեծել էր: Օգտվել էր նրա վիճակի խցեկությունից, ինչը պայմանավորված էր եղել նաեւ աղջկա անձը հաստատող որեւէ փաստաթուղթ չունենալու հանգամանքով:

Աղջիկը ոստիկաններին հայտնեց նաեւ, որ իրեն աշխատանքային շահագործման ենթարկված տղամարդը անձնագիր էր խոստացել եւ օգնել գտնելու մորը: Աղջկա հայտնելով՝ այս խոստումը եւս պատճառ էր հանդիսացել, որ համաձայնի աշխատել նրա ֆերմայում:

Աղջիկը հստակ չի հիշում, թե քանի տարեկան էր, երբ ազգականներից մեկն իրեն Վրաստանից բերել է Հայաստան ու հեռացել: Մենակ մնալով՝ ապրել է սարերում, աշխատել տարբեր անձանց մոտ, բայց աշխատեցան չի ենթարկվել: Դժոխքը սկսվել է 2011 թվականից: Հիմա, երբ ամեն ինչ հետեսում է, մի նպատակ ունի՝ վերադառնալ Վրաստան ու գտնել մորը:

Քրեական գործ է հարուցվել:

Քրեական հետախույզների բացահայտումը

Չղջառումների արդյունքում պարզեցին ոչ միայն կատարվածի հանգամանքները, այլև հանցագործությունը կատարած անձի ինքնությունը:

Եջմիածնում ապրող 23-ամյա երիտասարդը հայտնաբերվեց հունիսի 13-ին եւ մայրաքաղաքի առևտրի կենտրոններից մեկից կասկածանքով բերման ենթարկվեց ոստիկանության Նոր Նորքի բաժնի: Երիտասարդը խոստովանել է կատարածը: Կատարվում է քննություն:

Մարտուն ՍԻՄՈՆՅԱՆ

Գողության հեղինակը կին էր



Մարտի 7-ին ոստիկանության Էրեբունու բաժնում բնակարանային գողության դեպք էր արձանագրվել: Աթոյան փողոցի տներից մեկից հեռախոսի լիճ էր գողացվել: Տվյալները կարճ ժամանակով բացակայել էր տնից՝ դուռը բաց թողնելով: Այդ ընթացքում ինչ-որ մեկը մտել ու գողացել էր խոհանոցում դրված հեռախոսը:

Կատարվում է նախաքննություն:

«02»-ի օպերատիվ հրապարակումները վերջնական ճշմարտության հավակնությունն չունեն, իսկ դեպքերը ներկայացվում են անմեղության կանխավարկածի եւ նախաքննության շահերի պահպանման տեսանկյունից: Վերջնական դատարանի օրինական ուժի մեջ մտած դատավճիռն է:

Երթևեկության բոլոր մասնակիցները՝ վարորդները, հետիոտները, ուղևորները, հեծանվորդները, հավասարապես պատասխանատու են երթևեկության անվտանգության համար: Սակայն ձեռավորվել է մի անհասկանալի ավանդույթ, որ կանոնները խախտելու համար տուգանվում են միայն վարորդները, այնինչ վթարային իրավիճակների համար հաճախ մեղավոր են հենց հետիոտները: Շատերը ճանապարհը հատում են իրենց համար հարմար վայրում, ոչ թե հետիոտնային անցումներով: Վերջին տարիներին, համենայնդեպս՝ մայրաքաղաքում, էսպես ավելացել է վերգետնյա ու ստորգետնյա անցումների քանակը, բայց չի ավելացել դրանցից օգտվողների թիվը: Երթևեկության կանոնները խախտելը ոչ միայն վարչական իրավախախտում է, այլև՝ Էթիկայի նորմերի խախտում, եւ եթե այլ բնագավառներում էթիկայի նորմերի պահպանումն ընդամենը բարեկրթության նշան է, ապա երթևեկության դեպքում նմանի վրա ոչ թե բարոյական արժեքներն են, այլ սեփական անվտանգությունը:

Երթևեկության «խոցելիները»



Ճանապարհը հատեք միայն դրա համար նախատեսված վայրերում, հիշեք, որ ամենանվտանգը ստորգետնյա եւ վերգետնյա անցումներն են, եւ օգտվեք դրանցից, եթե նույնիսկ ստիպված եք մի բանի մետր ավելի ճանապարհ անցնել:

Երթևեկության գոտին հատելիս առավելագույն ուշադրություն եւ զգոնություն ցուցաբերեք. խորհուրդ չի տրվում բայել կայանված մեքենաների արանքներով, ցանկալի չէ խցանումների ժամանակ մեքենաների դանդաղ ընթացքից կամ ժամանակավոր կայանելուց օգտվել ու հատել փողոցը, բանի որ խցանումների ժամանակ վարորդները, որպես կանոն, առավել ագրեսիվ պահվածք են ունենում:

Ներկայացնենք հունիս ամսին արձանագրված վրաերթերի մի բանի դեպք:

Հունիսի 4-ին վայոց ձորի մարզի Ռինգ գյուղում «Օպել Ստար»-ի վարորդը վրաերթի է ենթարկել 5-ամյա տղայի, որը մարմնական ծանր վնասվածքներով տեղափոխվել է հիվանդանոց: Նույն օրը երեւանի Այվազովսկու փողոցում «ԿԻՎ» մակնիշի մեքենայի վարորդը վրաերթի է ենթարկել ճանապարհը ոչ հետիոտնային անցումով հատող 23-ամյա երիտասարդի: Մայիսի 9-ի եւ Մանանդյան փողոցների խաչմերուկում վրաերթի ենթարկված 56-ամյա տղամարդը նույնպես անտեսել էր հետիոտնային անցումը:

Հունիսի 10-ին Ստեփանավան քաղաքում «Մերսեդես» մակնիշի մեքենայի վարորդը վրաերթի է ենթարկել 5-ամյա տղայի, իսկ մայրաքաղաքի Միկոյան փողոցում «Ֆորդ» մակնիշի մեքենայի վարորդը վրաերթի է ենթարկել 84-ամյա տղամարդու, որը հիվանդանոցում մահացել է:

Հունիսի 17-ին «Մերսեդես» մակնիշի մեքենայի վարորդը Բաղրամյան պողոտայում վրաերթի է ենթարկել ճանապարհը ոչ հետիոտնային անցումով հատող 22-ամյա երիտասարդի: Հունիսի 19-ին, կեսգիշերին, մայրաքաղաքի Գ. Մկրտչյանի փողոցում «ԲՄՎ» մակնիշի մեքենայի վարորդը վրաերթի է ենթարկել 18-ամյա երկու երիտասարդների, որոնք փողոցը հատում էին ոչ հետիոտնային անցումով: 16 եւ 17 տարեկան երկու պատանիներ էլ վրաերթի են ենթարկվել Թբիլիսյան խճուղում. դարձյալ փողոցը հատում էին ոչ հետիոտնային անցումով: Նույն օրը մայրաքաղաքի Գյուրջյան փողոցում վրաերթի ենթարկված 86-ամյա տղամարդը հիվանդանոցում մահացավ:

Որպես ամփոփում. պահպանեք երթևեկության կանոնները՝ պահպանելով մեր կյանքն ու առողջությունը:

Հասմիկ ՊՈՊՈՍՅԱՆ

Բնակարանային գողությունը բացահայտվեց



Մարտի 18-ին ոստիկանության Հրազդանի բաժնում բնակարանային գողության վերաբերյալ հաղորդում էր ստացվել: Ինչ-որ մեկը բացել էր Հրազդանի Մաքրավան թաղամասի առանձնատներից մեկի պատուհանի մետաղյա շերտավարագույրը, ապա տեխնիկական միջոցների գործադրմամբ՝ պատուհանը, եւ գողացել վեց հեռուստացույց, հաղորդիչներ ու կարդի:

Դեպքի առթիվ տարածքային նախաքննական մարմնում քրեական գործ հարուցվեց, որի շրջանակներում Հրազդանի քրեական հետախույզները ձեռնարկված միջոցառումներով պարզեցին կատարվածի մի շարք հանգամանքներ: Նրանց տեսադաշտում հայտնվեցին Մաքրավան թաղամասում ապրող երկու երիտասարդներ:

Կասկածյալները հուլիսի 9-ին հայտնաբերվեցին ու բերման ենթարկվեցին ոստիկանության Հրազդանի բաժնի, ապա ներկայացվեցին դեպքի նախաքննությունը վարող քննչական բաժնի:

Նետազա միջոցառումներով իրավապահները հայտնաբերեցին գողոնի մի մասը, մյուս մասը հայտնաբերելու միջոցառումները շարունակվում են:

Կատարվում է նախաքննություն:

Նույն արեւելքում ԵՊՄ-ները էր



Օպերատիվ-հետախույզական փարաբնույթ միջոցառումների արդյունքում ոստիկանության Երեւան քաղաքի վարչության քրեական հետախույզության բաժնի ծառայողները ապօրինի թմրաշրջանառության մասին հերթական օպերատիվ փյուլաները ստացան: Ըստ փորձաքննությունների՝ Երեւանի բնակիչ, 47-ամյա մի փղամարդ ապօրինի թմրամիջոց էր իրացնում, մասնավորապես՝ սուբստանցա: Տղամարդը վերցվեց ոստիկանների օպերատիվ փրկաշար: Կազմակերպվեցին դարանակալումներ: Քրեական հետախույզները հետեւեցին նրա շարժին:

Հուլիսի 4-ին ոստիկանության Երեւան քաղաքի վարչության քրեական հետախույզները, Քանաքեռ-Զեյթունի բաժնի գործընկերների հետ, փղամարդուն, մեքենայով հանդերձ, մայրաքաղաքի Երզնկյան փողոցից բերման ենթարկեցին: Նրա անձնական խուզարկությամբ հայտնաբերվեց սուբստանցային երեք հար: Տարածքային նախաքննական մարմնում հարուցված քրեական գործի շրջանակներում, դարանակի որոշմամբ, խուզարկվեց նաեւ նրա բնակարանը: Իրավապահները հայտնաբերեցին սուբստանցային հարեր, դեղնականաչավուն զանգված եւ օգտագործված ներարկիչներ:

47-ամյա փղամարդուն մեղադրանք առաջարկվեց: Նա կալանավորվեց: Ներախույզական միջոցառումները շարունակվեցին: Շուրջով ոստիկանների փրկաշարում հայտնվեցին անձինք, որոնք, բերման ենթարկվածից թմրամիջոց էին գնել: Արդյունքում ոստիկանության Քանաքեռ-Զեյթունի բաժնի բերման ենթարկվեցին 46-ամյա երկու փղամարդ: Նրանց անձնական խուզարկությամբ եւ թմրամիջոց հայտնաբերվեց:

Ներախույզական միջոցառումներն ու քննչական գործողությունները շարունակվում են:

Չինանոցի կամավոր հանձնում



Ապօրինի պահվող զենք-զինամթերքի կամավոր հանձնման ու հայտնաբերման ուղղությամբ ոստիկանության փարաբնույթ միջոցառումներն ամենօրյա աշխատանքը արդյունք է փայլի:

Հուլիսի 8-ին հերթական դեպքն արձանագրվեց: Ոստիկանության Արարատի մարզային վարչության ծառայողների բացառական աշխատանքի շնորհիվ վարչություն եկած 43-ամյա փղամարդը մի ողջ զինանոց էր բերել հանձնելու:

Գործարանային համարներով «Կալաշնիկովի» չորս ինքնաձիգը, գործարանային համարներով «SO2» եւ «Կարաբին» փեսակի հրացանները, ինքնաձիգի 25 փամփշպարուփերը, 5,45 մմ տրամաչափի 700-ից ավելի փամփուշները ուղարկվել են դատաբանական փորձաքննության: Ապօրինի պահվող զենք-զինամթերքը կամավոր հանձնված փղամարդն էլ բաց է թողնվել:

Նիշեցնենք, որ ապօրինի զենք-զինամթերքը կամավոր հանձնողներն ազատվում են քրեական պատասխանատվությունից:

Մարտուն ՍԻՄՈՆՅԱՆ

Պանակահարություն Երեւան-Մեղրի ճանապարհին

Հուլիսի 2-ին, կեսգիշերին մոտ, հիվանդանոցից ոստիկանության եղեգնածորի բաժնի ահազանգ ստացվեց, որ ազդրի կտրած-ձակած վերքով բուժօգնության է տեղափոխվել 32-ամյա մի կին: Քիչ անց ոստիկանության վայրի բաժնում ահազանգ հնչեց վայրի բուժհաստատությունից. հոսպիտալացվել էր 24-ամյա մի երիտասարդ, որի կրծքավանդակին կտրած-ձակած վերք կար:



Չոցառումների եւ քննչական գործողությունների արդյունքում պարզեցին, որ հիվանդանոցից տեղափոխված անձինք վնասվածքները ստացել են Երեւան-Մեղրի ճանապարհի 134-րդ կիլոմետրին:

Նախնական տվյալներով՝ վիրավոր կնոջ ամուսինը եւ մի բանի երիտասարդներ երթևեկության հետ կապված հարցերի շուրջ վիճել էին: Այդ ընթացքում էլ 34-ամյա տղամարդը դանակով խփել էր 24-ամյա երիտասարդին: Միջադեպի ժամանակ վնասվածք էր ստացել նաեւ նրա կինը:

Քրեական հետախույզները կասկածյալին հայտնաբերել եւ բերման են ենթարկել ոստիկանության եղեգնածորի բաժնի, ապա ներկայացրել դեպքի նախաքննությունը վարող մարմնին:

Կատարվում է քննություն:

«Օ2»-ի օպերատիվ իրապարակումները վերջնական ճշմարտության հավակնություն չունեն, իսկ դեպքերը ներկայացվում են անմեղության կանխավարկածի եւ նախաքննության շահերի պահպանման տեսանկյունից: Վերջնական դատարանի օրինական ուժի մեջ մտած դատավճիռն է:

Օպերատիվ

«Եղբայրային» հիմնադրամ



Շիրակի մարզի Փոքր Մանթաշ գյուղի բնակիչ Կարեն Բաղդասարյանը եղբոր՝ Վահրամի հետ չլուծված խնդիրներ ունենալով, ինչը իր հետքեր էր թողել նաև նրանց ընտանիքների փոխհարաբերությունների վրա: Կարենն ապրում էր հայրական տանը՝ մոր ու կնոջ հետ: Տարիներ առաջ մայրը տունը նվիրատվություն էր արել Ռուսաստանում բնակվող կրտսեր որդուն՝ Նարային: Նրա հետ ես Կարենը խնդիրներ ուներ, բանցիկ իրեն պատկանող տունը, հողամասերը, հարակից շինությունները լիազորագրով Վահրամի տնօրինությանն էր հանձնել: Իհարկե, Կարենի սրտով չէր եղբոր որոշումը, բայց այլ ելք չուներ՝ տունը նրան էր, որոշողն էլ նա էր:

Վահրամը մշակում էր հողամա-

սերը, օգտագործում անասնաբույժի ու նկուղները: Բերքն այնտեղ էր ամբարում: Վահրամն ու նրա կինը՝ Մանուշակը, օրվա ընթացքում նրանց տուն ելումուտ էին անում: Նկուղից կարտոֆիլ էին հանում, անասնաբույժի սերմացու, իսկ Կարենի կինը՝ Ալվարդը, նեղսրտում էր տեղադրել Մանուշակի գնալ-գալուց: Երբ հերթական անգամ ամուսինները գնացին նկուղից ցանքսի համար կարտոֆիլ հանելու, Վահրամը պահանջեց, որ տունը ազատեն, բանցիկ լիազորագ-

րով ինքն էր որոշումներ ընդունողը: Նրանց գնալուց հետո Ալվարդը նկուղից հանեց սանդուղքն ու տուն տարավ: Այդպիսով փորձեց վատություն անել նրանց:

Երբ Վահրամն ու Մանուշակը կրկին եկան, նկուղ իջնել չկարողացան. հասկացան, որ սանդուղքը Ալվարդն է տարել: Իսկ Ալվարդը դուռը ներսից փակել էր ու չէր արձագանքում տեղադրությանը: Վահրամն էլ հրեց ու բացեց դուռը՝ տեղահան անելով փակակի օղակը:

Վիճեցին: Վահրամը խփեց եղբոր կնոջ գլխին, հետ չմնաց նաև Մանուշակը:

Կատարվածի մասին տեղեկացան ոստիկանության Արթիկի բաժնի աշխատակիցները: Նյութերի նախապատրաստման ընթացքում կողմերը բացատրություններ տվեցին: Քրեական օրենսգրքի 118 հոդվածի մեղադրանքով կատարվում է բնություն:

Չվարձալի ամփոփագիր

Կաթսայով՝ գլխին

Առավոտյան հինգին հիվանդանոցից հաղորդում է ստացվել, որ գլխի պատռած վերքով իրենց մոտ է տեղափոխվել 46-ամյա մի կին:

Ոստիկաններին նա հայտնել է, որ վնասվածքը ստացել է ճաշկերույթի ժամանակ. 33-ամյա համազոտաբանից է կաթսայով խփել գլխին:



Բժշկի դիտ

33-ամյա մի բժիշկ-օրդինատոր հաղորդում է տվել, որ Բագրատունյաց պողոտայում գողացել են իր դիտը:

Ոստիկանության ՊՊԾ գնդի աշխատակիցները, գողություն կատարելու կասկածանքով բերման են ենթարկել 51-ամյա մի տղամարդու, որը տվել է խոստովանական բացատրություն:

Դիտն առգրավված է:

Կեսիտրանց հարված

37-ամյա մի տղամարդ հաղորդում է տվել, որ գյուղի համայնքապետարանում տեղի ունեցած վիճաբանության ժամանակ նախկին կինը կեսիտրանց պոլիէթիլենային շշով խփել է դեմքին պատճառելով վնասվածք:

Հաղորդում է տվել նաև նախկին կինը, ել՝ շատ ավելի ծանրակշիռ: Ըստ նրա՝ երկու շաբաթ առաջ նախկին ամուսինը փայտով ես ձեռքով խփել է իրենց 9-ամյա որդուն՝ պատճառելով վնասվածքներ:

ԼՊՊԱկառուցողական վեճ

Ոստիկանություն է զանգել 29-ամյա մի տղամարդ, որ ավտոկթար է եղել, հարձակվել են իրենց

վրա, իրեն տեղափոխում են հիվանդանոց:

Քիչ անց հիվանդանոցից հաղորդում է ստացվել, որ գլխուղեղի ցնցումով, ստորին ծնոտի պատռած վերքով բուժօգնության տեղափոխված տղամարդը հայտնել է, որ իրեն ծեծել են, ել փախչելիս ինքն ընկել է մեքենայի տակ:

Ոստիկանները պարզել են, որ անհայտ կնոջ վարած «ԲԱՎ»-ն բախվել է տղամարդու «Սերենդես»-ին, ծագել է վիճաբանություն, կին վարորդի կանչով եկած 3-4 հոգին էլ ծեծել են տղամարդուն:

Նամակարգիչով՝ գլխին

Հիվանդանոցից հաղորդում է ստացվել, որ փակ զանգուղեղային վնասվածքով բուժօգնության է դիմել 43-ամյա մի կին: Նա հայտնել է, որ վնասվածքը ստացել է ինքնաթիռում:

Ձեռնարկված միջոցառումների շնորհիվ պարզվել է, որ ինքնաթիռում կնոջ գլխակերպում գտնվող դուրակի համակարգիչը անզգուշությամբ զցել է նրա կողքին նստած լեհ ուղևորը:

Նականակավարժական արարք

Հաղորդում է տվել մի դպրոցի տնօրեն: Ըստ նրա՝ դպրոցի նախնական զինվորական պատրաստություն առարկայի ուսուցիչը ամիսներ առաջ դպրոցից գաղտնի վերցրել է ուսումնական նպատակով օգտագործվող գեները, հաջորդ օրը անտառում կազմակերպված խնջույքի ժամանակ օգտագործել այն, այնուհետև գեները վերադարձրել դպրոց:

Ոչ աշխատանքային հանդիպում



Մովսես Գալոյանը ել Արամ Մելիքյանը Շիրակի մարզի Լեռնակերպ գյուղի հովիվներն էին: Աշխատում էին առանձին, ու թե հանդում հանդիպում էին, գրուցում, ժամանակ էին անցկացնում: Մարեիմ չէին, սոսկ աշ-

խաբանքի բերումով էին շփվում:

Այդ օրը Մովսեսը խմել ու իր համար բարձր պրամադություն էր ապահովել: Երեկոյան գյուղամիջում պարահարթը հանդիպեց Արամին: Մթափ ու անթափ գրուցակիցները իրար չհասկացան, ել երկխոսությունը վերածվեց լեզվակրվի: Մովսեսը հայիոյեց Արամին: Լեզվակրվիլը թե՛ ժացավ, սակայն Մովսեսը հաշիվելու փոխարեն դարձյալ հայիոյեց համազոտագուս ու գնաց րուն:

Արամը որոշեց հանդիպել Մովսեսի հորը՝ պարմել եղելությունը ու

զգուշացնել, որ որդին իրենից հնարավորինս հեռու մնա: Այդ մտքումներով էլ շարունակեց նրանց րուն:

Արամի դռան թակոցներին արձագանքեց Մովսեսը: Արամը փորձեց ճշտել, թե ինչու էր իրեն հայիոյում: Վիճեցին, Արամը նրան հրեց գցեց, ապա բռունցքներով խփեց դեմքին:

Կատարվածի մասին րեղեկացան ոստիկանության Արթիկի բաժնի աշխատակիցները:

Արամ Մելիքյանի արարքում առկա էր քրեական օրենսգրքի 118 հոդվածով նախաբանված հանցարարք: Կատարվում է բնություն:

Կարինե ՄՈՒՐԱԴՅԱՆ

Չայսաբղես ինձանկար

Ջոռջ Բուշի դիմակով կողոպտիչները

Ավագակային հարձակում էր կատարվել ԱՄՆ Սիեթլ քաղաքի բանկերից մեկի վրա: Ավագակները նախկին նախագահ Բուշի դեմքով դիմակներով ներխուժել էին բանկ ել գեների գործարմամբ փող պահանջել, ապա դիմել էին փախուստի:

Ոստիկանության աշխատակիցների կարծիքով՝ ավագակները մոտ երեսուն տարեկան, գերազանց պատրաստված, ամրակազմ երիտասարդներ էին: Իսկ դիմակները ծեռք էին բերել «Ելոուինի» համար նախատեսված իրերի խանութից:

ԱՄՆ-ում հաճախ են հանցագործություններ կատարում քաղաքական գործիչների դիմակներով: Օրինակ, Տեխասում ձերբակալվեց մի ավագակ, որը «գործի» էր դուրս եկել դարձյալ նախկին նախագահի դիմակով: Իսկ Ավստրիայում ձերբակալեցին մի հանցագործի, որը Օբամայի դիմակով էր հանցագործություն արել:

Մերկ կողոպտիչը

Ավստրալական «Northern Territory News» պարբերականի հաղորդմամբ՝ մերկ տղամարդը փորձել էր սրճարան թալանել:

Երեկոյան, երբ արդեն սրճարանը փակ էր, մերկ հանցագործը խուժել էր ներս ել հափշտակել ոգելից խմիչք ու փող: Սակայն փախչել չէր հաջողվել. գործարկվել էր սրճարանի ազդանշանային համակարգը, ել ոստիկանությունը րոպեների ըս-



թացքում հասել էր դեպքի վայր: Ըստ ոստիկանության՝ հանցագործը մերկացել էր, որ հեշտությամբ անցներ ճաղավանդակներով:

Ավագակը՝ «մահվան» կերպարով

Ռուսաստանի Կեմերովոյի շրջանի Պրոկոպևսկ քաղաքում մեկը «մահվան զգեստով» կողոպտել էր 86-ամյա թոշակառուի:

Դիմակավորվելով ել զինվելով գերանդիով՝ հանցագործը խուժել էր թոշակառուի բնակարան: Խեղճ թոշակառուն սարսափահար էր եղել «հյուրի» տեսքից: «Մահը» փող էր պահանջել ել բնակարանից հեռացել՝ տանելով տարեց մարդու ողջ խնայողությունը:

Ավագակին արագ հայտնաբերեցին ու ձերբակալեցին: Պարզվեց՝ նախկինում մի քանի անգամ դատապարտված կին էր:

Նանուն «դրամաշատ» մահճակալի

Ռել Ավիվում ձերբակալել էին մի տղամարդու, որը բանկեր էր կողոպտում սիրուի ու հետ գիշերը դրամներով լի մահճակալին անցկացնելու

համար: Ձերբակալվելու պահին զույգը հյուրանոցի համարում էր, իսկ մահճակալին թափված էին թալանված փողերը:

Տղամարդը մի շաբաթվա ընթացքում կողոպտել էր հինգ բանկ ել «վաստակել» մի քանի տասնյակ հազար շեքել: Իր գործողությունները նա փորձում էր արդարացնել այն հանգամանքով, որ խաղացել էր տասուկ էր տվել ողջ ունեցվածքը: Դրա համար էլ զբաղվում էր կողոպտուով:

Դատարանը կողոպտիչի նկատմամբ խափանման միջոց ընտրեց տնային կալանքը:

Դատական նիստի հաջորդ օրը տղամարդը կատարեց հերթական կողոպուտը. ավարն այս անգամ 23 հազար շեքել էր:

Խաղալիք ատրճանակի նշանառության տակ

Բրազիլիայի Սան Պաուլո քաղաքում փորձել էին կողոպտել երկրի փոխնախագահին:

Երբ պաշտոնյայի ավտոշարասյունը կանգ էր առել խաչմերուկում, հանցագործը վազքով մոտեցել էր մեքենային ել թակել պատուհանը: Մեքենայից դուրս էին եկել զինված աշխատակիցները, որոնց տեսնելով՝ հանցագործը փախել էր՝ ճանապարհին նետելով զենքը:

Ընդհանրապես, խաչմերուկներում մեքենաների վարորդներին ել ուղեւորներին կողոպտելու փորձերը մեծ գլխացավանք են բրազիլական ոստիկանության համար:

Պատրաստեց Տաթև ՄեժՈՒՆՅՈ

«02»-ի օպերատիվ հրապարակումները վերջնական ճշմարտության հավակնություն չունեն, իսկ դեպքերը ներկայացվում են անմեղության կամիավարկածի ել նախաքննության շահերի պահպանման տեսանկյունից: Վերջնական դատարանի օրինական ուժի մեջ մտած դատավճիռն է:

Օպերատիվ

Յունիսի 21-ին Քաղաքապետի սահմանապահ վերահսկողության բաժնից ոստիկանության բերման ենթարկվեց 2015 թվականից բրեական օրենսգրքի 178 հոդվածի՝ խարդախության մեղադրանքով հետախուզման մեջ գտնվող Աշոտ Ղուկասյանը: Նա ներկայացվել է բրեական գործի վարույթն իրականացնող նախաքննական մարմնին:

դի մասին չգիտեր, առավաճառքի գործարքը կատարել էին կեղծ փաստաթղթերով: Հենց այդ հարցում էլ նրան օգնելու պատրաստակամություն հայտնեց Աշոտ Հովսեփյանը. Պողոս Մինասյանի հետ գնաց ոստիկանություն, հարդորում

տեց աշխատավարձի ու աշխատավարձերի վերաբերյալ տեղեկանքները և ծանոթ իրանցիների ընկերության կողմից կնքեց... իր կողմից տնայնագործական եղանակով պատրաստած կնիքով: Հետագայում դատաճեռագրաբանական ել

«Մասնագետք»



պատրաստ էին, գանգեց Պողոս Մինասյանին ու ասաց՝ քանի որ ամուսիններն աշխատանքի էին «ընդունվել» հետին ամսաթվով, ուստի այդ ժամանակահատվածի համար սոցվճարումներ չկատարելու պատճառով ընկերությանը չտուգանելու համար անհրաժեշտ է հարյուր հազար դրամ: Հանդիպեց Մինասյանին, հանձնեց տեղեկանքները և ստացավ հարյուր հազար դրամ:

Օրեր անց կրկին հանդիպեցին. որպես վարկի տրամադրման երաշխիք՝ Մինասյանը պետք է վճարեր տրամադրվելիք գումարի 30 տոկոսը: Կանխավճարն անձամբ Աշոտ Հովսեփյանին տալուց հետո Պողոս Մինասյանը հույսով սպասում էր վարկի տրամադրմանը:

Իսկ Հովսեփյանի ախորժակը բացվել էր: Երկու շաբաթվա ընթացքում մաս-մաս չորս միլիոն դրամ հափշտակեց Մինասյանից՝ ամեն անգամ բերելով մի նոր պատճառ: Իսկ երբ վերջապես Պողոս Մինասյանը փաստաթղթերի փաթեթով ներկայացավ վարկ ստանալու, նրանից պահանջեցին նաև վճարումների մասին տեղեկանք: Բայց պարզվեց, որ նման տեղեկանք ներկայացնել չէր կարող, որովհետև իրականում չեղած ՍՊԸ-ում որպես աշխատող գրանցված չէր:

Չայրացած գանգեց Աշոտ Հովսեփյանին ու չորս միլիոն դրամը հետ պահանջեց: Նա էլ խոստացավ ու հաջորդ օրը ելք մեկնեց հանրապետությունից: Հարուցված քրեական գործի կասեցված վարույթը վերսկսվել է: Հասմիկ ՊՊՊՍՅԱՆ

Ոստիկանները բացահայտեցին գողությունները



Յունիսի լույս 7-ի գիշերը ոստիկանության Ռավիթաշենի բաժանմունքի բրեական հետախույզները գողության վերաբերյալ օպերատիվ տվյալներ ստացան, որոնց հիման վրա դարակալեցին Տիգրան Պետրոսյան փողոցում:

Ճշգրիտ կազմակերպված օպերատիվ միջոցառումների շնորհիվ բրեական հետախույզների տեսադաշտում հայտնվեցին երկու երիտասարդներ, որոնք լինով բացել էին Տիգրան Պետրոսյան փողոցի հանրախանութներից մեկի դուռն ու գողացել դրամարկղը: Ոստիկանները, նրանց տեսնելով՝ հետապնդեցին: Երիտասարդները փորձեցին փախուստի դիմել, բայց դեպքի վայրից մի բանի տասնյակ մետր հեռու բռնվեցին ու բերման ենթարկվեցին ոստիկանության Մաշտոցի բաժնին:

Կասկածանքով բերման ենթարկված երիտասարդները խոստովանական բացատրություն են տվել: Գողության հաջորդ դեպքը, որ բացահայտեցին Մաշտոցի ոստիկանները, գրանցվել էր հուլիսի 4-ին: Վհազանց էր ստացվել, որ Վահագնի թաղամասից շինանյութ են գողացել: Բրեական հետախույզները ձեռնարկեցին անհրաժեշտ օպերատիվ միջոցառումներ՝ կարճ ժամանակում բացահայտելով հանցագործությունը: Նրանց տեսադաշտում հայտնվեց Կոտայքի մարզում ապրող մի երիտասարդ, որին հայտնաբերելու միջոցառումները եւս կարճ տևեցին:

Յունիսի 7-ին կասկածյալը Կոտայքի մարզի Պետալու գյուղում հայտնաբերվեց, բերման ենթարկվեց ոստիկանության Մաշտոցի բաժնի եւ տվեց խոստովանական բացատրություն: Երկու դեպքով էլ բնություն է կատարվում:

Բնակարանային գողությունները բացահայտվեցին



Յունիսի 17-ին ոստիկանության Վաղարշապատի բաժին ահազանգած կինը հայտնել էր, որ Էջմիածնի խորենացու փողոցի իր բնակարանից գողացել են դրամապանակը: Գաղտնի օրը ոստիկանության Վաղարշապատի բաժնում հնչեց գողության վերաբերյալ եւս մեկ ահազանգ. տնից հափշտակել էին մեկուկես միլիոն դրամի ոսկեղեն: Այս դեպքում եւս բնակարանը Էջմիածնի խորենացու փողոցում էր: Բացի այդ ընդհանրությունից՝ երկու բնակարաններն

էլ վաճառվում էին: Վաղարշապատի քրեական հետախույզները, դեպքերին պրոֆեսիոնալ մոտեցման արդյունքում, վարկած առաջ բաշեցին, որը շուտով հիմնավորվեց: Ոստիկանները պարզեցին, որ գողություն կատարած անձը բնակարանները գնելու նպատակով մուտք գործած երիտասարդն է, որի ինքնությունն ու գտնվելու վայրը պարզվեց: Արագածոտնի մարզի Աղծր գյուղի բնակիչ, նախկինում դատապարտված երիտասարդը հայտնաբերվեց Էջմիածնում ու բերման ենթարկվեց: Նա կալանավորվել է: Կատարվում է նախաքննություն:

Բացահայտում են Մաշտոցի ոստիկանները

Յունիսի 21-ին ոստիկանության Մաշտոցի բաժնի քրեական հետախույզները, գողություն կատարելու կասկածանքով, Երևանի Միլիկյան թաղամասից 27-ամյա երիտասարդի էին բերման ենթարկել: Պարզվել էր, որ մայրաքաղաքում ապրող երիտասարդը ապրիլին 16-րդ թաղամասում «Մերսեդես»-ի կողային հայելիներ էր գողացել, նաև Աջափնյակի փարբեր թաղամասերում մի շարք գողություններ արել:

Վարկվեց, որ հունիսի 24-ին



նա Մարգարյան փողոցում մի կնոջ էր կողոպտել՝ հափշտակելով պարանոցի ոսկյա շղթան: Բերման ենթարկվելուց հետո կրկին խոստովանեց կատարածը: Կողոպտարի փաստով քրեական գործ հարուցվեց: Նրան մեղադր

րանք առաջադրվեց, խափանման միջոց ընտրվեց կալանավորումը:

Հունիսի 22-ին դարձյալ Մարգարյան փողոցում կողոպուտ էր կատարվել, ինչի մասին ոստիկանության Մաշտոցի բաժնում հարցազրույց էր սկսվել: Բրեական հետախույզները օպերատիվ ավյալներ ունեին, որ այդ կողոպուտը կատարել է արդեն կալանավորված երիտասարդը: Ձեռնարկված միջոցառումների արդյունքում նա ցուցմունք քվեց, որ հունիսի 22-ին Մարգարյան փողոցում մի կնոջ պարանոցից պոկել էր ոսկյա շղթան ու փախել:

Նախաքննությունը շարունակվում է:

Մարտուն ՍԻՄՈՆՅԱՆ



ները դարձյալ 3 խմ փայտանյութով բարձրացնում են մի «Ֆորդ» հայտնաբերեցին: Վարորդը, որը Մարց գյուղի բնակիչ է, որեւէ փաստաթուղթ չներկայացրեց եւ, մեքենայով հանդերձ, տեղափոխվեց բաժնի: Պարզվեց, որ նա եւս ծառերը հատել էր Մարց գյուղի հարակից անտառից:

Վարորդի ծառահատումների փաստերով ոստիկանության թունախնայի բաժնում նյութեր են նախապատրաստվում:

«02»-ի օպերատիվ հրապարակումները վերջնական ճշմարտության հավակնություն չունեն, իսկ դեպքերը ներկայացվում են անմեղության կանխավարկածի եւ նախաքննության շահերի պահպանման տեսանկյունից: Վերջնականը դատարանի օրինական ուժի մեջ մտած դատավճիռն է:

Քրեական հետախույզները, իրացնելով օպերատիվ տվյալները, հսկողության տակ էին վերցրել Գեղարքունիքի մարզի ուսումնական հաստատություններից մեկը, որի մոտակայքում ծխախոտ ու էջի ինչ-որ ապրանք էր վաճառվում՝ իրական արժեքից շատ էժան: Պետք էր պարզել վաճառողների ինքնությունը, ապա՝ ապրանքի ձեռք բերման աղբյուրը:

Օպերատիվ հարցումների եւ ձեռնարկված հետախուզական միջոցառումների արդյունքում իրավապահներն ընտրեցին վարկածներից մեկը, դրան գումարվեցին նաեւ ստացված օպերատիվ տվյալները, եւ պատկերն աստիճանաբար հստակվեց: Ըստ նախնական տեղեկությունների՝ վաճառվող ապրանքը գողացված էր:

Իրացնելով ստացված տեղեկությունները՝ քրեական հետախույզները կարծ ժամանակում պարզեցին, որ գողությունը կատարվել էր դեռեւս անցյալ տարվա աշնանը: Շարունակական աշխատանքների արդյունքում պարզվեցին նաեւ դեպքի վայրն ու գողությունը կատարած անձանց ինքնությունը: Երկու դեպքերում էլ հետքերը ուստիկաններից Գեղարքունիքի մարզի գյուղերից մեկը տարան: Գողությունն այնտեղ էր կատարվել եւ կատարողներն էլ այդ գյուղից էին:

Օպերատիվ տեղեկությունների իրացումը ուստիկաններին հնարավորություն տվեց կարծ ժամանակում ճշտել գողության թիրախ դարձած խանութն ու ուստիկանություն իրավիճակն ուղղել: Շուտով նրանց տեսադաշտում հայտնվեց նաեւ երիտասարդների մի խումբ, որն, ամենայն հավանականությամբ, կատարել էր գողությունը: Ըստ նախնական տեղեկությունների՝ խումբը բաղկացած էր չորս հոգուց, որոնցից մեկն անչափահաս էր: Չորսն էլ

հայտնաբերվեցին ու բերման ենթարկվեցին:

Գողության կասկածանքով բերման ենթարկվածներն էին 23-ամյա Արտակ Մելիքյանը, 22-ամյա Արթուր Սուքիասյանը, 21-ամյա Սահակ Կարապետյանն ու անչափահաս Արզամը: Ձեռք բերված անհերքե-

բացել էին մեքենաների դռներն ու գողացել ձայնագրիչները: Հաջորդը խանութներն էին: Երեք խանութից, սակայն, միայն մեկից էին «ցանկալի» ավար տարել, մյուս երկու դեպքում հասցված վնասը մի քանի հազար դրամի էր:

Արտակ Միքայելյանը եւ Արթուր Սուքիասյանը միասին մեկ այլ խանութ էլ էին մտել: Տեսնելով, որ գյուղում մահացած մարդ կա, եւ գյուղացիները զբաղված են, օգտվել էին առիթից ու ձողով բացելով պատուհանը մտել էին, բայց գործն ավարտին հասցնել չէին կարողացել եւ լքել էին տարածքը:

Մի հանցավոր խումբ էլ օրերս վնասագործեցին ուստիկանության Մասիսի բաժնի ծառայողները: Քրեական հետախույզների ուշադրության կենտրոնում էին հայտնվել մայրաքաղաքում բնակվող երեք երիտասարդներ, որոնք մարզում գողություններ էին անում:

Իրավապահները տեղեկացան, որ խումբը նոր գողություն է ձեռնարկում: Պարզեցին վայրն ու գործողության ժամը: Եվս մի քանի րոպե՝ եւ կասկածյալները դեպքի վայրում հայտնվեցին ուստիկանների օղակում:

Բերման ենթարկվածներն էին 23-ամյա Սարգիս Գալստյանը, 26-ամյա Ռուբեն Սարգսյանը եւ 19-ամյա Խորեն Սիմոնյանը: Անձնական խուզարկությամբ նրանց մոտից հայտնաբերվեցին գողացված նոթբուք, ոսկյա խաչ ու բիծուտերիկա:

Պարզվեց, որ հանցախումբը միայն երեք հոգուց չի բաղկացած: Արդեն հաջորդ օրը քրեական հետախույզներին հաջողվեց հայտնաբերել ու բերման ենթարկել խմբի եւս երկու անդամի՝ նույն քաղաքի բնակիչներ Լեւոն Մելքունյանին ու Կամո Չոբանյանին:

Պարզվեց նաեւ, որ հանցավոր խումբը անցյալ տարվա նոյեմբերից իրագործել էր եւս վեց բնակարանային գողություն:

Հարուցված քրեական գործերով նախաքննությունը շարունակվում է:

Հասմիկ ՊՈՂՈՍՅԱՆ

ի փաստերի ճնշման տակ եւ բացատրական աշխատանքի արդյունքում երիտասարդները խոստովանական ցուցմունք տվեցին:

Քրեական գործի նախաքննության ընթացքում պարզվեց, որ խմբի հանցավոր գործողությունների թիրախում միայն գյուղի խանութը չէր, որտեղից, ի դեպ, մոտ մեկ միլիոն դրամ արժողության ապրանք էին գողացել: Թվում էր, որ «ԳԱԶ-24» մակնիշի երկու ավտոմեքենա եւ երեք խանութ՝ եվ այդ ամենը՝ մեկ գիշերվա ընթացքում:

Այդ օրը, երեկոյան հավաքվել էին զվարճանալու: Գնումներ էին արել ու գնացել տղաներից մեկի նորակառույց տունը: Խնայել էին, զվարճացել: Հետո խրախմանքի վայրից դուրս գալով՝ գործի էին անցել: Սկսել էին մեքենաներից: Հաջորդաբար

Թմրամիջոցի հայտնաբերում



Հունիսի 12-ին ուստիկանության ԿՀԳՊ գլխավոր վարչության թմրամիջոցների անօրինական շրջանառության դեմ պայքարի վարչության եւ Շենգակիթի քրեական հետախույզների ձեռնարկված համատեղ միջոցառմամբ Արագիա թաղամասից, իրենց վարած մեքենաներով հանդերձ, ուստիկանության Շենգակիթի բաժնի բերման ենթարկվեցին երկու երիտասարդ, որոնք կասկածվում էին թմրամիջոց ձեռք բերելու, պահելու եւ իրացնելու մեջ:

Անձնական խուզարկությամբ նրանցից մեկի մոտ հայտնաբերվեց կոփազենք եւ 16 փաթեթ, որոնցից հինգում մեթամֆետամին թմրամիջոցի նմանվող զանգված էր, 11-ում՝ մարիխուանայի: Մեքենայի զննությամբ էլ հայտնաբերվեց մեթամֆետամին թմրամիջոցի նմանվող զանգված եւ ծալովի դանակ:

Փաստի առթիվ հարուցվել է քրեական գործ:

Գաղտնիք չէ, որ ուստիկանության տարածքային ստորաբաժանումների ծառայողները պարբերաբար այցելում են ուստիկանությունում հաշվառված անձանց բնակության վայրեր եւ անցկացնում պրոֆիլակտիկ բնույթի միջոցառումներ:

Հունիսի 12-ին ուստիկանության Աշտարակի բաժնի համայնքային ուստիկանները այցելեցին Աշտարակ քաղաքում բնակվող եւ ուստիկանությունում որպես թմրամոլ հաշվառված 36-ամյա մի տղամարդու տուն՝ պրոֆիլակտիկ գրույց անցկացնելու: Սակայն բանը գրույցին չհասավ: Ցանկապատից այն կողմ ուստիկանները հայտնաբերեցին կանեփի քիեր:

Հայտնաբերված 71 քիերն արմատախիլ են արվել եւ ուղարկվել փորձքննության: Կատարվում է բննություն:

Գողության փորձը ձախողվեց

Հունիսի 2-ին ուստիկանության Բագունի բաժնի քրեական հետախույզները օպերատիվ տեղեկություններ էին ստացել, որ հուլիսի 1-ի գիշերը Սպիտակ քաղաքի Այգեստանի փողոցի մի բնակիչ փորձել է գողություն անել Աբեղյան փողոցի մի առանձնատնից, սակայն հանցագործությունն ավարտին չի հասցրել:



Ձեռնարկված միջոցառումների շնորհիվ 35-ամյա տղամարդը բերման ենթարկվեց: Նաեւ հրավիրվեց տանտերը եւ հաղորդում տվեց, որ իր տան լոգարանում նկատել է գողության նպատակով բնակարան մտած մի անձանոթի՝ ձեռքին լայտեր ու տուպակ: Ցանտերն անձանոթին հրելով՝ դուրս էր հանել պատշգամբ, որտեղից էլ նրան հաջողվել էր փախչել:

Նախապատրաստվում են նյութեր:

Թմրամիջոցի իրացումները

Հունիսի 11-ին ուստիկանության ԿՀԳՊ գլխավոր վարչության թմրամիջոցների անօրինական շրջանառության դեմ պայքարի վարչության, Արարատի մարզային վարչության եւ Արաբաշապի բաժնի ծառայողների համատեղ միջոցառումների շնորհիվ ուստիկանություն բերման ենթարկվեցին 66-ամյա մի կին եւ 40-ամյա մի տղամարդ:



Անձնական խուզարկությամբ տղամարդու մոտ հայտնաբերվեց փափուկ խաղալիք, որի մեջ երեք դեղապատրիճ էր: Ըստ նրա՝ հայտնաբերվածը մեթամոլոն փոսփորոտ է, որն իր համար կինն էր 66-ամյա մորաքրոջ անվամբ արվերկրից փոստով ուղարկել:

Դեպքի առթիվ նյութեր են նախապատրաստվում:

Հայտնաբերվել են հետախույզվողներ



Ոստիկանության Շենգակիթի բաժնի քրեական հետախույզները, իրացնելով օպերատիվ տվյալները, հունիսի 14-ին Մոսկվա-Երեւան չվերթի ինքնաթիռի ժամանումից հետո «Ջվարթնոց» օդանավակայանի ժամանման սրահից բերման են ենթարկել Զոհրապետի Զանգարանյանի 34-ամյա քաղաքացի Ռանդիպ Կ.-ին, որը մայիսի 10-ից ուստիկանության Շենգակիթի բաժնի կողմից հետախույզվում էր ՀՀ քրեական օրենսգրքի 324 հոդվածի (փաստաթղթեր, դրոշմներ, կնիքներ հափշտակելը կամ վնասելը) մեղադրանքով:

Ոստիկանության Հրազդանի բաժնի համայնքային ուստիկանների ձեռնարկած միջոցառումների եւ բացատրական աշխատանքների շնորհիվ հունիսի 14-ին Սանկտ Պետերբուրգ-Երեւան չվերթով Հայաստան է վերադարձել 2017 թ. օգոստոսից ՀՀ քրեական օրենսգրքի 333 հոդվածի (տուտ մատուցությունը) մեղադրանքով Կոստայի մարզի ընդհանուր իրավասության առաջին ատյանի դատարանի օրինական ուժի մեջ մտած դատավճռի կատարումից խուսափելու համար հետախույզման մեջ գտնվող 34-ամյա Արսեն Մ.-ն, որը օդանավակայանից տեղափոխվել է ուստիկանության Հրազդանի բաժին:

Ոստիկանության ԲՀԳ վարչության, Լուռու մարզային վարչության եւ Ստեփանավանի բաժնի ծառայողների օպերատիվ հետախույզական միջոցառումների շնորհիվ հունիսի 12-ին «Ջվարթնոց» օդանավակայանում հայտնաբերվել է ՌԻ իրավապահ մարմինների կողմից արտաքսված, Կարդաբլուր գյուղի 34-ամյա մի բնակիչ: Նա 2015 թ. օգոստոսից հետախույզվում էր ՀՀ քրեական օրենսգրքի 179, 183 եւ 242 հոդվածների մեղադրանքներով:

Ոստիկանության քրեական հետախույզության գլխավոր վարչության ծառայողները, իրացնելով օպերատիվ տեղեկությունները, հունիսի 12-ին Երեւան քաղաքի Բաղրամյան պողոտայից բերման են ենթարկել Ստեփանակերտի 37-ամյա մի բնակչի, որը Արցախի Հանրապետության ուստիկանության կողմից հետախույզվում էր խարդախության մեղադրանքով:

Հունիսի 11-ին ուստիկանության «Ջվարթնոց» օդանավակայանի գծային բաժնի քրեական հետախույզների ձեռնարկած օպերատիվ-հետախույզական միջոցառումների շնորհիվ Երեւան-Մոսկվա ինքնաթիռի չվերթի հաշվառումից հետո բերման են ենթարկվել ՌԻ քաղաքացի Անդրեյ Ավրամուկը, որը 2018 թ. նոյեմբերից հետախույզվում էր ՌԻ իրավապահների կողմից՝ դիտավորյալ ծանր մարմնական վնասվածք հասցնելու մեղադրանքով:

Ոստիկանության Չարենցավանի քրեական հետախույզների բացատրական աշխատանքների շնորհիվ հունիսի 11-ին Մոսկվա-Երեւան չվերթով Հայաստան է ժամանել 48-ամյա Համլետ Գ.-ն, որը ուստիկանության Կենտրոնական բաժնի կողմից հետախույզվում էր ՀՀ քրեական օրենսգրքի 179 հոդվածի (յուրացնելը կամ վատնելը) մեղադրանքով:

«02»-ի օպերատիվ իրապարակումները վերջնական ճշմարտության հավակնություն չունեն, իսկ դեպքերը ներկայացվում են անմեղության կանխավարկածի եւ նախաքննության շահերի պահպանման տեսանկյունից: Վերջնական դատարանի օրինական ուժի մեջ մտած դատավճռին է:

Complex grid table with various symbols, arrows, and text fragments. Includes a portrait of a man in the top-left corner.

Ուշադրություն (Attention)
Հարգելի քաղաքացիներ (Dear citizens)
ՀՀ ոստիկանության պետական պահպանության գլխավոր վարչությունը...

Կառույց-հուշարձան
Արեւարձ. միրգ
Անգլիացի գրող
Նյութի վիճակ

Աստղագիտական
19.07 - 25.07
Մարտի 12
Արտաշատ, Կարս

Ստյոպ - Անկա-
լիքների,
անորոշության եւ
նեօ կախվածության
շրջան է: Երջապատի
կողմից՝ բարյացկամ վե-
րաբերմունք:

Փորձեք լուծել
Խնդիր N1
Խնդիր N2
Սպիտակները սկսում են եւ
հաղթում 2 քայլից
Սպիտակները սկսում են եւ
հաղթում 3 քայլից

Նախորդ, համարի
տվյալներով
պատասխանները
Մարտի 12
Հայաստանի չեմպիոն,
IDF վարպետ,
սպորտի վարպետ

«02 շաբաթաբեր» ՓԲԸ: Հասցեն՝ Նալբանդյան-130: Հեռ. 56-00-05, 54-81-52, 59-67-75 (հաշվապահություն): Համարի թողարկման պատասխանատու՝ Ն. Աբաբեկյան:
Գրանցման վկայական 27312002739: Տրվել է 13.03.2000 թ.: Ծավալը՝ տպագրական 2 մամուլ: Ստորագրված է տպագրության՝ 18.07.2019 թ., ժ. 17.00-ին: Տպաքանակը՝ 6950:
Համակարգչային շարվածքը՝ «02» շաբաթաբերի: Տպագրվել է «Հենակետ» ՓԲԸ տպարանում: Հղումը՝ «02»-ին պարտադիր է:
Հասցեագրված նյութերը չեն գրախոսվում եւ չեն վերադարձվում: Խմբագրությունը հեղինակների հետ գրագրություն չի վարում: Գովազդի պատասխանատու պատվիրատու է: